



## Universitätsbibliothek Paderborn

**Gallia Vindicata, In Qua Testimoniis Exemplisque  
Gallicanæ Præsertim Ecclesiæ, Quæ Pro Regalia, Ac  
Quatuor Parisiensibus Propositionibvs A Ludovico  
Maimburgo, Alijsque producta sunt, Refutantur**

**Sfondrati, Celestino**

**[Ort nicht ermittelt], MDCLXXXVIII.**

2. Hujus Concilij auctoritatem multis ex capitibus dubiam esse & incertam, evidenter argumentis ostenditur, & auctoritate ipsius Concilij Constantiensis, ac etiam Maimburgi testimonio.

**urn:nbn:de:hbz:466:1-38277**

professus est. Patet ergo Auctoritatem Concilij supra Pontificem in Concilio Pisano multis modis ostensam esse. Et verò fuisse hoc Concilium Oecumenicum, & unum ex majoribus conventibus, qui unquam in Ecclesia peracti sint, patet ex numero & dignitate Praelatorum, qui illi adfuerunt: quippe Cardinales quinque supra viginti, Patriarchæ quatuor, Episcopi 182, Abbates 290. inter quos Capita & Generales omnium Ordinum, Magni Ordinum S. Sepulchri, Theutonici, Rhodiorumque Magistri, Universitatum Parisiensis, Tholosanæ, Aurelianensis, Andegavensis, Cracoviensis, Viennensis, Pragensis, Coloniensis, Oxfordiensis, Cantabrigiensis, Bononiensis, Florentinæ aliarumque Deputati: Legati quóque Metropolitanarum & Cathedralium Ecclesiarum supra centum: Theologiæ, sacrorumque Canonum supra trecentos Doctores. Oratores denique Galliæ, Poloniæ, Bohemiæ, Cypri, Siciliæque Regum: Ducum quoque Bavariæ, Burgundiæ, Lotharingiæ, Brabantij, Brandenburgi, omniūque ferè Germaniæ Principum; præter alias Hispaniæ, Arragoniæ, Hungariae, Sueciæ, Norwegiæ, Daniæque Reges, qui tandem Concilio Pisano adhæseré. Ergo quo primū tempore conferri inter se Conciliorum potestas & Pontificum cœpit, tot Regnum, Provinciarum, Universitatum, Ordinum, Doctorum, Episcoporum, hoc est, totius ferè Christiani Orbis vox una & sententia fuit, Pontifices Concilio subesse, ab eoque judicari, puniri, deponique posse. Haec tenus ferè verba Maimburgi ex Gallico translata.

II. Resp. Hæc Maimburgi narratio partim & argumentatio, eodem filo, quo reliquæ hujus Auctoris, contexta est: videlicet ex principijs aut dubijs, aut falsis, semper tamen specie veri coloratis, ut eodem tempore placeant, fallantque incautos? Nam Primò certum quidem est in Concilio Pisano fuisse Gregerium XII. & Benedictum XIII. Pontificatu ejētos, electumque Alexandrum, sed non aequè certum jure id factum, & ex legitima potestate; nec propterea novi Pontificis electione cessavit dubitatio, quis pro vero Pontifice habendus esset: nec sublatum Schisma, imò quod plerique eorum temporum Auctores notant, auctum potius, diffusumque novi Pontificis accessione, adeò, ut cùm prius Ecclesia in duas, postea in tres factio[n]es scinderetur, augente incertitudinem

K 3

Pon-

Pontificum numero, eā ferè ratione, quā in Labyrintho, non ideo certius eas, quia pluribus vijs: & qui Gregorio ac Benedicto adhærebant, nec pro hæreticis aut Schismaticis habitisunt, quod videlicet multis nec in anibus rationibus niterentur, ut Concilio Pisano non subscriberent, nec satis de vero Pastore constaret; imd etiam sanctos reperias, qui Concilio Pisano obiectati sunt, inter quos S. Antoninus: (a) *Pisanum Concilium*, inquit, vel *Conciliabulum, cum non esset aliquius eorum, qui se pro Pontifice gerebant, auctoritate congregatum, non erat ablatum ipsum Schisma, sed augmentatum ex duobus, tribusve se pro Papa gerentibus.* Et alibi testatur: *Gregorium à multis DEUM timentibus & peritis creditum fuisse verum Pontificem tempore ejusdem Concilij.* Si ergo à Pisano conventu electo Alejandro, depositisque Benedicto & Gregorio, multi nihilominus sanctitate & doctrinâ conspicui, nec Alexandrum agnovere, nec à Gregorio separati, nec tamen pro Schismaticis, sed pro veris p̄ijsque catholicis habiti sunt, sequitur omnino, Concilium Pisanum non fuisse pro certo & Oecumenico, nec novam electionem Alexandri, & Gregorij abdicationem pro legitima habitam; alioquin Schismatici impique, qui aut legitimo Concilio, aut vero Pontifici obisterent, & abdicato, falsaque adhærerent. Planè post Concilium Pisanum, Neapolitanum & Sicilia Regna, Romandiola, Ducēque Bavariae, ac plurimi Germanie Episcopi Gregorio adhæserē, néque is alligari se votu credebat, quod de Pontificatu abdicando emiserat; quippe cū id votum conditionatum esset, si videlicet Petrus de Luna idipsum præstaret; hoc quippe dignitatem retinente, nec pax Ecclesiae obtineri poterat, nec Schisma extingui, cū Regna, Provinciæ que non paucæ Benedicto parerent, Arragonia videlicet, Navarra, Castellæ, Scotia, Baleares, Corsica, Sardinia, aliæque, & Eugenius IV. in apologia (b) fatetur Obedientias Gregorij & Benedicti fuisse non modicam Christianitatis partem. Idque aperte Petrus de Alliaco Episcopus Cameracensis professus est, qui sedente Constantiensi Concilio librum scriptis de Ecclesiæ & Cardinalium potestate; is enim primam conclusionem his verbis expressit:

(a) *Lut.*

(a) S. Antonin. 3. p. Tit. 22. c. 5. §. 2. & c. 6. §. 2. (b) V epist. Archiepisc. Narb. in M. S. Regesto Concil. Scheßlitzte in Actis Concil. Const. fol. 51. Eugen. IV. in Apolog. contra Basileenses. Turrecr. lib. de Ecclesiæ.

(a) *Licet Concilium Pisani fuerit legitimè ac canonice celebratum, & duo olim contendentes de Papatu iustè & canonice condemnati, & electio Alexandri V. fuerit riùe ac canonice facta, prout hæc omnia tenet Obedientia Domini nostri Pape Johannis XXIII. tamen duæ Obedientiae duorum contendentium probabiliter tenent contrarium, in qua opinionum diversa & adversa veritate non sunt minores difficultates Juris & facti, quam ante Concilium Pisanius erat de Justitia duorum contendentium. Hæc Alliaci confessio doctrinâ clarissimi, quique eodem tempore scribebat, rerum, quæ in Concilio siebant scientissimus, tanto pluris esse debet, quod ipse à Joanne XXIII. purpuram accepisset, ejusque partesteneret; sicque non tam odio aut partium studijs, quam rei veritate ad hæc scribenda permotus credi debeat. Et re ipsâ Concilium Constantiense hanc Alliaci sententiam amplexum est, approbabvitque. Cūm enim Anno 1415. die 4. Januarij Joannes Dominicus Cardinalis & Nuntius Gregorij XII. in Concilio comparuisset, cæptum est à Patribus disceptari, an cum purpura & insignibus Cardinalis admittendus esset? multis abnuentibus, censebant alij admitti eum debere, inter quos Alliacensis Cardinalis præcipuus, cuius etiam sententia prævaluit, & Gregorij Legatus galero purpureo insignis magnoque apparatu in Constantiam invectus est. Audi Acta Concilij ex duobus MM. SS. Codicibus Bibliothecæ (b) Victorinæ, Maimburgi sepe & vehementer laudatis. Alij asserturunt, Licentiam fratri Joanni Dominicí concedendam cum capello rubeo ingrediendi: & hujus sententia fuit R. D. Petrus Cardinalis Cameracensis, & quidam alij, die namque 22. Januarij, D. Frater Joannes Dominicí Tituli S. Marci Presbyter Cardinalis Ragusinus, ut Cardinalis & cum Capello rubeo medius inter Dominos Ducem Bavariae & Ducem Briegi sequentibus Dominis Vormatensi, Spirensi, & Verdenensi Episcopis in Obedientia dicti Gregorij persistenteribus, qui omnes predictis Legatis Gregorij extra Constantiam olitaverè, & Civitatem Constantiæ sunt ingressi &c. Nota Episcopum Ragusinum à Concilio Pisano, & ab Alexandro V. & Joanne XXIII. nunquam pro Cardinali agnatum esse, sed Patres Constantienses rationibus Petri Alliacensis permoti eum pro tali receperè, sicque ipso facto professi sunt, jura Gregorij non adeò projecta esse & conclamata, ut suffineri*

(a) Petrus Alliac. in Conclusionib. à Philippo Labbeo editis, & in Appendix Concil. Constant. rejectis. (b) Regest. Concil. Constant. ex duabus MM. SS. Bibliothecæ S. Victoris.

stineri pro vero Pontifice non posset; si enim certum orat Gregorium Pontificem non esse: ergo æquè certum, non esse veros Cardinales, quos ipse purpurā induisset, cur ergo pro talibus habiti, admissaque? Idem Episcopus Ragusinus, cum Gregorij XII. insignia Pontificia ædibus suis appendisset, & propterea ingens inter Patres cersamen accensum esset, eorum præsertim, qui Joannis partes sequebantur; die 20. Novembris collectis in Concilio Patribus certatum diu est, pugnantibus Antistitum votis, tandem prævaluuit sententia negantium tolerari insignia Pontificia deberi, nisi ipse Gregorius coram præfensque adesset; in hoc ergo omnium vota convenere, ipsi Gregorio permitti posse, si adesset, ut insignibus uteretur Pontificiae dignitatis: non ergo certum erat Pontificem non esse; quomodo enim in tam sacro senatu permitterent Gregorium Minimum agere, & in ludibrium supremæ potestatis, ipsoque Joanne Pontifice coram tiaram ostentare alteri raptam? Audi iplius Concilij tabulas: (b) Alij vero assertabant supradicta arma in locis predictis in Obedientia Domini Nostrri Joannis XXIII. constitutis affigi non potuisse, & per consequens, ex quo deleta fuerant, reponi non debere, & hujus sententiae fuit D. Patriarcha Gradenfis, & alij, qui plures, quam alteri sententia adhaferunt dicentes, nisi Angelus Corrario personaliter veniret, ipsius arma ibidem non debere depingi. Sed nihil æquè ostendit, Patres Concilij Constantiensis Decreta Pisani Concilii, & Gregorij abdicationem, ac electionem Alexandri, & Joannis, produbibus, incertisque habuisse, quamquam sessione 14. peracta sunt, in qua cum Gregorius non prius Papatu cedere vellet, quam ut Joannis XXIII. tanquam Pontificis mentio nulla fieret, ut Sigismundus Imperator auctoritate & delegatione Gregorij Concilio præsideret, ut ipsum Concilium tanquam prius non ritè congregatum, iterum suâ auctoritate convocaretur, & confirmaretur, quod etiam à Cardinali Ragusino nomine Gregorij factum est, & sic tandem ipse Gregorius Pontificatu cessit. Tantum vero abest, Gregorium à Concilio pro pseudo-Pontifice habitum esse, aut pro Schismaticis, qui eum venerabantur; ut semper, quoties Gregorij

(a) Regest. Actorum Constant. ex 2. MM SS. codd. Biblioth. S. Victoris apud doctiss. Schelstratt. in Tract. de sensu & auctoritate Decretor. Concilij Constant. fol. 153.

gorij mentio incidebat, tanquam de dubio Pontifice loqueretur, & hanc formulam adhiberet, cautam quidem, sed tamen veneratio mixtam, videlicet : *Ille Dominus, qui in sua Obedientia dicitur Gregorius XII.* Et cum Resignationem, & alia Gregorij postulata admisit, his verbis usum est : (a) *Dictam Convocationem, Auctorizationem, & Confirmationem, in quantum ad Gregorium pertinet, & atinet, eis admirerunt.* Quibus verbis omnino Patres significant Gregorium pro dubio saltem Pontifice sustineri potuisse; alioquin si illum pro certo & notorio Pseudopontifice, & temerario Invasore sacræ Sedis haberent, quā ratione, imò quā conscientiā permitterent, ut Concilium indiceret, confirmaret, novum Præfidem deligeret, & deinde abdicaret se potestate, quam non habebat ? Planè fuisse hac indulgentia & simulatio, tam sacro, ampliisque senatu plusquam indigna. Maimburgus quidem in libro (b) de Magno Schismate Occidentis hæc omnia pro lusu & scena habet, Patribus id Gregorio indulgentibus : *Ut Synagogam suam cum apparatu pompaque funeraret, inani quidem solatio, sed tamen innoxio.* Cæterum alias oportet esse Maimburgi curas, & cogitationes hominis privati imbutique politicorum principijs, ac utilia tantum, non honesta, aut decora spectantis : alias Concilij Oecumenici tot Purpuratorum, Antiftitum, Principumque affluxu insignis, & nihil indignum quovis obtenuit admissuri. Ac deinde prudentum judicio reliquerim, majorem Maimburgo fidem habere velint, post duo saecula & ex suo scribenti, quām Petro Alliacensi Cardinali & Archi-Episcopo Cameracensi, quique Concilio aderat, & omnia coram spectabat, Joanni XXIII. à quo Puroram induerat, alioquin addictissimus ; is verò in Conclusionibus Anno 1415. post primam Sessionem mensie Februario Patribus Concilij oblatis, honores Gregorio oblatos non vanæ ostentationi, inanique fabulæ tribuit, sed quodua Obedientia Gregorij & Benedicti iſtos probabiliter pro Pontificibus tenerent, in qua opinionum diversa & adversa veritate non essent minores difficultates Juris & facti, quām ante Concilium Pisanum erant. (c) Honores ergo à Patribus Gregorio exhibiti non vanæ fabulæ dati,

L

ut

(a) Session. 14. (b) Maimb. histor. du grand. Schif. d' Occid. I. 5. f. 309.  
(c) Ex Gestis Constant. Concil. in 4. MM. SS. & Append. ejusdem Synodi  
Edit. Paris. apud Labb. Tom. XI. Concil.

ut Maimburgo visum, sed Gregorij rationibus suum Pontificatum multis facti & Juris fundamentis, ac assclarum auctoritate fulcieratis. Nec dubium est, eadem ratione, ijsdem honoribus Benedictum XIII, à Concilio afficiendum fuisse, si modo æquè animum paci adjecisset; nam & ejus Pontificatum probabilem reddebat, cum tot Regnorum, Principumque auctoritas, qui ejus partes sequerantur: tum etiam quamplures juris factique rationes, quas ipse septem horarum spatio, quibus peroravit in Conventu Perpiniani habito, tantæ eloquentiæ persecutus est, ut attonitos, defixosque redderet Auditores: nec minimum pondus ejus cause addebat duorum fratrum sanctitas, Vincentij videlicet, & Bonifacij Ferrerij, Benedicto etiam post Pisanum Concilium addicti. Et denique Johannes Gerson, (a) cuius auctoritatem tantopere & ubique contra Pontifices Maimburgus depraedicat, in tractatu de modo se habendi tempore Schismatis hæc habet: *In Schismate presenti tam dubio, temerarium, injuriosum & scandalosum est afferere, omnes tenentes istam partem vel alteram esse extra statum salutis, vel excommunicato, vel rationabiliter de schismate suspectos.* Et infra: *Tota ratio fundatur in hoc, quod nunquam fuit tam rationabilis & vehementis causa dubitationis in aliquo Schismate, sicut in isto, cuius signum evidens est varietas opinionum Doctorum, & inter doctissimos & probatissimos ex utraque parte &c.* Potest ergo illud dici rationabiliter dubitabile, quod plurimi & maximè sapientes dubitabile reputant & predicant &c. Quæ doctrina & ratiocinatio Gersonis etiam post Concilium Pisanum locum habuit; nam etiam post illud fuit varietas opinionum Doctorum inter doctissimos & probatissimos, ut enim de solo Benedicto XIII. loquar, cuius Obedientia multò alijs inferior minorque, etiam post Pisanum Concilium, à quo depositus est, ei Regna Scotoriæ, Navarræ, Castellæ, Arragoniæ, Sardiniaeque adhaerent, inter quos S. Vincentius Ferrerius, qui novem post Pisanum Concilium annis constanter Benedicto adhaesit, nullo Sanctitatis suæ damno, quod etiam fatetur Maimburgus. (b) Non ergo constabat Concilium Pisanum Oecumenicum esse, & Alexandrum in Concilio electum, ejusque successores veros Pontifices; alioquin non sanctus, sed Ethnicus & Publicanus, qui noller Ecclesiæ

(a) Joann. Gerson. 1. part. operum. (b) Maimb. du Grand; Schism. d. Occident lib. 5. fol. 453.

siam audire , veróque ac legitimo Pontifici parere. Utque irrefragabili testimonio omnia concludam, id ipsum tres nationes, Gallica, Hispanica & Italica cum Collegio Cardinalium professæ sunt, hoc est, major saniorque Concilij pars, quando in protestatione contra Germanicam Nationem edita, & in qua petebatur, ut omisso interim Reformationis articulo ad electionem procederetur indubitate Pontificis, ita loquuntur: (a) *Ecclesia in periculo remaneret, quia vix aut nunquam Summus Pontifex indubitate posset haberi, quia vix congregaretur indubitatum Concilium deficiente Capite, ad quod pertinet convocare.* En! fatentur Patres Constantienses, nec Pisani, nec aliud Concilium certum esse posse sub incerto Pontifice. Hæc omnia eò pertinent, ut ostendam auctoritatem Concilij Pisani tot Principum, Regum, Antistitum, Sanctorum, ipsiusque Concilij Constantiensis opinione nullo modo certam, & indubiam fuisse , ideoque à quamplurimis mortalium sine Schismatis nota Benedictum & Gregorium pro veris Pontificibus agnitos , quod etiam Maimburgus nunquam sibi constans profiteri compulsus est, quando in libro de magno Schismate Occidentis scribit: (b) *Eorum sententiam, qui Benedictum pro vero Pontifice agnoscabant, probabilem fuisse ( quanvis contraria magis probabilis esset ) & idèo viros sanctitatem, doctrinam, & dignitatem principios postisse illam securā conscientiā amplecti. Siergo teste Maimburgo hæc propositio: Benedictus est verus Papa; erat probabilis, ergo ejus opposita, videlicet, Benedictus non est verus Papa, non erat certa, quod enim est certum, excludit contrariae sententiae omnem probabilitatem;* quemadmodum quia hæc propositio, *nix est alba, est certa; ejus opposita videlicet, nix non est alba, omnino non est probabilis: sequitur ergo Benedictum & Gregorium fuisse probabiliter veros Pontifices, & consequenter auctoritatem Concilij Pisani, quod utrumque deposuerat, ex Principijs Maimburgi, nullo modo certam, sed dubiam fuisse, quod probare suscepseram. Erravit ergo Maimburgus, quando indubias & evidentes veritates Lectori pollicitus, dubias, incertasque supposuit.*

III. Secundo. Demus tamen Concilio Pisano omnem auctoritatem

L 2

tatem

(a) *Protestatio trium Nationum in Concilio Constantensi post session. 38<sup>th</sup> ex Gestis Concilij in 4. MM. SS. cod. apud Schelstratt. fol. 6.* (b) *Maiurb. hist. du Grand. Schism. d' Occident lib. 6. fol. 379. ad Annum 1415.*